

## Yucatec - Payalchi' Salmos - WP Psalms

Salmos 68:1 Le quén ococ Yuum Ku u ti'al j ba'atele', u aj p'eeco'obe' cu ki'itpajalo'ob; le máaxo'ob p'ecmaile', cu púudzulo'ob tu táan;

Salmos 5:9,10 Leti'obe' ma'atech u t'aano'ob jaaj óolal; ¡tu' yanil u pucsi'ikalo'ob! U caalo'obe' je'ekab yanil bey mucnale'; ¡tuuso'ob cu jóokol tu chi'ob! 10 ¡In Junab Ku jadzo'ob! ¡Beet u xi'ic kaasil ti' u mucul t'aano'ob! Sut a paach ti'ob tu yo'olal u ya'abcach kebano'ob, tumen dzo'oc u j ma' u'uyaj t'antiquecho'ob.

Salmos 11:6 Leti' bín u beet u káaxal taba'an chúuc, kák yéetel azufre yóokol le kaakas máaco'obo', bín u taas jun p'éel iik cu bin u tóoc tuláacal. ¡Bín dza'abac ti'ob tumen Yuumtzil le ba'ax cu najmatico'obo'!

Salmos 18:14 Tu pulaj u julubo'ob bey xan u léenbal cháaco'ob, tu beetaj u yáalcab in aj p'eeco'ob.

Salmos 18:17 Tu tocjen ti' in aj p'eeco'ob yaan u páajtalilo'ob, máaxo'ob p'ectmailen, yéetel asab yaan u muuko'ob ti' teno'.

Salmos 18:39 Teech máax dzáa ti' teen muuk ichil le ba'atelo'; ta beetaj u chintalo'ob tin táan le ma' u'uyaj t'aano'obo';

Salmos 18:45 táanxel lu'umil máaco'obe' cu ch'a'ico'ob sajaquil; cu jóokolo'ob táan u quiquilaanquilo'ob tu'ux u ta'acbesmajuba'ob.

Salmos 27:11 Yuumtzil, e'es teen a beel; bisen ti' u tojil bej tu yo'olal in aj p'eeco'ob;

Salmos 35:1-8 Yuumtzil xeen tu yóokol le máaxo'ob cu taalo'ob tin wóokolo', ba'atelt le máaxo'ob cu ba'ateltiqueno'obo'. 2 Nu'ucbesabáa, co'oten a wáanten'i; 3 ch'a'a a lóomte', toquen ti' le máaxo'ob ch'a'apachtiqueno'; ja'al ti' teen: Teen a tocsajil! 4 Beet u ch'a'ico'ob subtal le máaxo'ob u káato'ob u quiimseno'obo'; ca áalcabnaco'ob ich subtalil le máaxo'ob u káato'ob u beeto'ob teen kaaso'; 5 ¡ca pu'uluco'ob tumen u aj túuchi' Yuumtzil ca bisa'aco'ob beyo'ob sojol tumen iike'. Ca puláaco'ob tumen u aj túuchi' Yuumtzil! 6 ¡U beel xane' ca p'áatac éekjoche'en yéetel jajalquil, ch'a'apachta'aco'ob tumen u aj túuchi' Yuumtzil! 7 Tio'olal mix ba'ale', tu dzajo'ob tin beel jun p'éelléech; mix ba'al o'olale' tu páanajo'ob jun p'éel jool u ti'al ca lúubuqueni'. 8 ¡Ca tec úuchuc loob ti' leti'ob! ¡Ca lúubuco'ob leti'ob ti' le léech tu jayajo'obo'! ¡Ca úuchuc loob ti' leti'ob!

Salmos 52:5 ba'ale' Ku xane' yaan u xu'ulsiquech jun puli'; yaan u machiquech u xáacch'intech ti' a wotoch, cu dzo'ocole' cu lukesic a cuxtal.

Salmos 60:12 Yéetel u yáantaj Kue', je'el u páajtal c beetic nucuch ba'alo'obe'; ¡leti' cun u yach' le c aj p'eeco'obo'!

Salmos 66:3 A'ale'ex ti' Yuum Ku. A meyajo'obe', jak óolbe'eno'ob. tu yo'olal a nojoch páajtalile' a aj p'eeco'obe' cu lúubulo'ob tu yéetel sajaquil ta táan;

Salmos 68:35 Jakbe'en Yuum Ku te tu quili'ich najilo'; le u Ku Israelo' cu dzáic páajtalil yéetel muuk ti' ucaajal. ¡Qui'iqui' t'anta'ac Yuum Ku!

Salmos 70:1 In Ku, ¡co'oten a toquen! Yuumtzil, ¡co'oten tu séeblaquil a wáanten!

Salmos 71:13 ¡Ca sublacquinta'aco'ob yéetel ca xu'ulsa'aco'ob u aj p'eeco'ob in cuxtalo'! ¡Ca pa'ajac u subtalo'ob le máaxo'ob cu dzíiboltico'ob kaas tin wóokolo'!

Salmos 76:12 Tumen leti' cabalcunsic u yóol le jalacho'obo', yéetel cu dzáic sajaquil ti' u ajawilo'ob yóokolcaab.

Salmos 118:10 Tuláacal múuch' caajo'obe' tu bakpachteno'ob, ba'ale' tu kaaba' Yuumtzile' tin dzáancha'atajo'ob.

Salmos 118:12 Tu bakpachteno'ob bey xuuxo'obe', ba'ale' u p'uja'anilo'obe' j tu'up bey u káakil sojole', ¡tu kaaba' Yuumtzile' tin dzáancha'atajo'ob!

Salmos 149:8,9 u ti'al u kaxic yéetel cadena le ajawo'ob bey xan le páajtalil wíinico'obo', 9 u ti'al u dzo'ocbesic ti' leti'ob le ba'ax dzíibta'an tu yo'olalo'obo'. ¡Lela' jun p'éel tziiquil u ti'al tuláacal u yocsaj óolo'ob Yuumtzil! ¡Qui'iqui' t'anta'ac Yuumtzil!

Pastor T. John Franklin  
Church of Salvation, Healing, and Deliverance  
COS-HAD.org